



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-2511/09
Sarajevo, 15.9.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.9.2009.			
Organizaciona jedinica	Klasifikaciona oznaka	Hodni broj	Broj priloga
01	50-1-15-58		09

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 98. sjednici održanoj 14.9.2009. godine, utvrdilo je Odgovor na zastupničko pitanje koje je Mehmed Suljkanović, zastupnik u Zastupničkom domu Parlamentarne skupštine Bosne i Hercegovine, postavio na 58. sjednici ovog doma održanoj 22.7.2009. godine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-2511/09
Sarajevo, 14.9.2009. godine

Mehmed Suljkanović, poslanik u Predstavničkom domu Parlamentarne skupštine Bosne i Hercegovine, na 58. sjednici Predstavničkog doma, održanoj 22.07.2009. godine, postavio je sljedeće poslaničko pitanje:

"Kakva je sudbina zaključaka sa 47. sjednice Predstavničkog doma, održane 4. marta 2009. godine, a vezano za usvajanje Zakona o dopuni Zakona o carinskoj tarifi?"

Na postavljeno pitanje, Vijeće ministara Bosne i Hercegovine je na 98. sjednici održanoj 14. 9. 2009. godine, utvrdilo sljedeći

ODGOVOR

Predstavnički dom Parlamentarne skupštine Bosne i Hercegovine je na svojoj 47. sjednici održanoj 04.03.2009. godine, zadužio Ministarstvo vanjske trgovine i ekonomskih odnosa, da u saradnji sa Vanjskotrgovinskom komorom BiH, sačini listu proizvoda prema potrebama proizvođača i preradivača iz oblasti metalne i tekstilne industrije i slično, te oblasti poljoprivredne proizvodnje, koji imaju potrebu za dobijanje olakšica, bez plaćanja carine za uvoz određenih kvota sirovine s ciljem podsticanja i konkurentnosti domaće proizvodnje. Identičan zaključak je Predstavnički dom Parlamentarne skupštine Bosne i Hercegovine donio i na 44. sjednici, održanoj 21.01.2009. godine. Ministarstvo vanjske trgovine i ekonomskih odnosa BiH je shvatilo zaključak sa 44. sjednice Predstavničkog doma Parlamentarne skupštine Bosne i Hercegovine kao poziv da sačini prijedlog izmjena i dopuna Zakona o carinskoj tarifi Bosne i Hercegovine. Na 28. sjednici održanoj 27.04.2009. godine, sličan zaključak je donio Dom naroda Parlamentarne skupštine Bosne i Hercegovine.

Ovo ministarstvo je sačinilo Prijedlog izmjena i dopuna Zakona o carinskoj tarifi Bosne i Hercegovine. **Iz oblasti metalne i tekstilne industrije** podnešen je zahtjev za izmjenu 61 tarifne oznake. MVTEO je na osnovu detaljne analize svih zahtjeva, cijeneći stvarne potrebe bh proizvođača da im se omogući uvoz repromaterijala na nivou stopa po Kombinovanoj nomenklaturi EU, ocijenilo opravdanim 33 zahtjeva i prema tome sačinilo Izmjene i dopune Zakona o carinskoj tarifi. Cilj je da se bh proizvođači dovedu u ravnopravniji položaj po pitanju konkurentnosti svojih proizvoda.

Iz oblasti poljoprivredne proizvodnje podnešeni su zahtjevi za otvaranje tarifnih kvota za pet tarifnih oznaka. Nakon nekoliko sastanaka održanih sa predstavnicima raznih udruženja iz ove oblasti, predložena je dopuna tarifnog aneksa – tarifne kvote za tri tarifne oznake.

Prijedlog Zakona o izmjenama i dopunama Zakona o carinskoj tarifi Bosne i Hercegovine je otpremljen dana 16.04.2009. godine Uredu za zakonodavstvo, Direkciji za evropske integracije i Upravnom odboru Uprave za indirektno oporezivanje radi pribavljanja neophodnih mišljenja i

odobrenja za dalju proceduru. Ured za zakonodavstvo i Direkcija za evropske integracije su dostavili svoje mišljenje u propisanom roku od 10 dana.

Upravni odbor Uprave za indirektno oporezivanje se do ovoga momenta nije izjasnio o Prijedlogu Zakona i pored urgencije ovog ministarstva od 30.06.2009.godine i urgencije Komisije za vanjsku trgovinu i carine Predstavničkog doma BiH od 14.05.2009.godine.

Zakon o izmjenama i dopunama Zakona o carinskoj tarifi Bosne i Hercegovine, može se proslijediti Vijeću ministara BiH i dalje u parlamentarnu proceduru, nakon što se dobije odgovarajuće odobrenje od Upravnog odbora u skladu sa članom 25. stav (4) Zakona o sistemu indirektnog oporezivanja.